



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

16. juli 2012

J.nr.:

01.31.06/12-00583

Aningaasaqarnermut Naalakkersuisoq

Sisamangornermi 12. juli 2012 Aningaasaqarnermut Akileraartarnermullu Ataatsimiititaliap aalajangernera pillugu Naalakkersuisunut ilisimatitsissut – Suliaq nr. 01.31.06/12-00583

Allaffeqarfittaarsuarmut nutsernermut atatillugu ilassutitut aningaasaliiffigineqarnissamik qinnuteqaat

Naalakkersuisut inassutigaaat,

- kontomi pingaarnermi 20.30.10 Namminersorlutik Oqartussat qitiusumik allaffeqarfii, aningaasaliissutit 2.482.000 kr.-inik amerlineqassasut,
- kontomi pingaarnermi 20.30.11 Namminersorlutik Oqartussat illuutaannik aserfallatsaaliuineq, aningaasaliissutit 900.000 kr.-inik amerlineqassasut,
- konto pingaarnermi nutaami 81.20.02 Inip serverit inissisimaffissaasa aaqqissuunna, 3.600.000 kr.-inik amerlineqassasut,
- konto pingaarnermi 20.30.09 Sulisunik utaqqiisasumik najugaqartitsisarneq, aningaasaliissutit 4.500.000 kr.-inik ikilisinneqassasut,
- konto pingaarnermi 20.11.50 Ingerlatsinerumut sillimmatit, 2.482.000 kr.-inik ikilisinneqassasut.

Aningaasaqarnermut Ataatsimiititaliap oqaaseqaatai

Ukununnga aningaasanik qinnuteqartoqarpoq:

- Siusinnerusukkut nuunnermut atatillugu B-2325-ip iluarsaanneqarnera.
- Allaffeqarfiup aappaluttup naqqata asiusimanageranut oqunneranullu atatillugu nutarterineq
- Allaffeqarfissarsuarmi nutaani innallagiaq qarasaasiaqarnermullu atortut kiisalu aamma saniatigut servereqarfik
- Aningaasartuutit naatsorsuutigineqarsinnaasimangitsut.

Isertorneqarsinnaanngilaq aningaasartuutissat taakku ilaat AI2012-ip suliarineqarneranut atatillugu ilanngunneqareerreqarsimasinnaagaluardmata.

Aningaasaqarnermut Ataatsimiititaliap naatsorsuutigaa matumani aningaasaliissuteqarnerup kingorna allaffeqarfittaassammut nutaamut nutserneq aningaasaliissutaareersut iluannit ingerlanneqassasoq piffissalersuinerumullu pilersaarutit tamarmik maleqqissaarneqassasut.

Taamaattorli ataatsimiititaliap kissaatigaa allaffeqarfissamut nutaamut nutsernermut atatillugu pilersaarusiorneq tamarmiusoq pillugu sukumiinerusumik nassuiaateqartoqassasoq. Minnerunngitsumik paaserusunneqarpoq qitiusumik allaffeqarfiup nutsernera aaqqissuulluakkamik ingerlanneqarnerasoq, taamaalilluni illoqarfiup ilaani allani attartornerit piffissaagallartillugu atorunnaarsinneqarsimanginnerat pissutigalugu ineqarnermut marloqiusamik aningaasartuu-teqartoqannginniassammat.

Aningaasaqarnermut Ataatsimiititaliap aalajangenera

Qulaani allassimasutut paasinnillugu taamaalillu Aningaasaqarnermut Ataatsimiititaliap Naalakkersuisut inassuteqaat **akuerai**.

Qulaani apequtigineqartumut Naalakkersuisut akissutaat kingusinnerpaamik 2. august 2012 kalaallisut qallunaatullu nassiuteqquneqarpoq qarasaasiakkut assilinera neh@ina.gl–imut nassiutiitigalugu.

Aningaasaqarnermut Ataatsimiititaliaq sinnerlugu

Olga P. Berthelsen
Siulittaasup tullia